



- afirmacija duha olimpizma,
- pravo svih građana da se bave sportom pod jednakim uvjetima bez obzira na nacionalnu, vjersku, političku, rasnu, socijalnu i spolnu pripadnost,
- ostvarivanje javnog interesa Kantona u ovoj oblasti i obaveza kantonalnih organa da zakonima i na drugi način, materijalnom podrškom i programima razvoja stvaraju opće i posebne uvjete za sportske aktivnosti, sportsko napredovanje i usavršavanje, materijalnu i društvenu stimulaciju za ostvarivanje vrhunskih sportskih rezultata,
- osiguravanje zdravstvene zaštite sportista i sprečavanja upotrebe nedozvoljenih stimulativnih sredstava,
- stručnost u radu i podsticanje naučnoistraživačkog rada primjenom savremenih metoda rada, informatike i izdavačke djelatnosti,
- pravilo da se svi sporovi između sportista, sportskih organizacija i organa rješavaju isključivo preko i unutar odgovarajućih sportskih organa i arbitražnih sportskih tijela,
- autonomnost sportskih organizacija u pogledu uređivanja unutrašnjih odnosa i udruživanja.

## **POGLAVLJE II. JAVNI INTERES I CILJEVI UNSKO- -SANSKOG KANTONA U SPORTU**

### **Član 5. (Javni interes i ciljevi)**

Javni interesi i ciljevi Kantona u sportu su:

- razvijanje svijesti građana, posebno mladih, o sportu i njegovim vrijednostima,
- doprinos vaspitanju, obrazovanju i razvoju djece i omladine,
- podsticanje i afirmiranje sporta i njegovih vrijednosti kao dijela kulture i ukupnih materijalnih i duhovnih vrijednosti društva,
- očuvanje zdravlja kao osnove svake ljudske aktivnosti, radne produktivnosti, izražavanja stvaralaštva i humanog življenja,
- podsticanje sistematskog i organiziranog bavljenja sportom u slobodno vrijeme,
- sistemsko stvaranje uvjeta za ostvarivanje visokih sportskih rezultata,

- organizacija sistema takmičenja u skladu sa pravilima međunarodnih sportskih federacija,
- studentski sport i sport osoba sa invaliditetom.

### **Član 6. (Utvrđivanje Strategije razvoja sporta i programa razvoja)**

(1) Radi ostvarivanja javnog interesa i ciljeva u sportu, utvrđuje se Strategija razvoja sporta u Kantonu (u daljnjem takstu: Strategija).

(2) Strategija se donosi najmanje za četiri godine (Olimpijski ciklus).

(3) Na osnovu Strategije, donose se programi razvoja sporta.

(4) Strategija razvoja sporta u Kantonu se usaglašava sa Strategijom razvoja sporta u BiH.

### **Član 7. (Sadržaj Strategije)**

Strategijom se utvrđuju:

- osnovna polazišta i pravci razvoja,
- sadržaj i obim sportskih djelatnosti koje se finansiraju, odnosno sufinansiraju iz budžeta Unsko-sanskog kantona,
- razvojni i stručni zadaci u sportu,
- okvirni kriteriji za vrednovanja programa i njihovog finansiranja u sportu,
- nosioci razvoja i mjere kontrole njegove realizacije.

### **Član 8. (Validnost Strategije i programa razvoja)**

Strategiju i Program razvoja sporta Unsko-sanskog kantona usvaja Skupština kantona, na prijedlog Vlade kantona.

### **Član 9. (Nadležnost Vijeća za sport Unsko-sanskog kantona)**

(1) Vijeće za sport Unsko-sanskog kantona (u daljem tekstu: Vijeće) najviše je savjetodavno tijelo Skupštine Unsko-sanskog kantona, koje se brine za razvoj i kvalitet sporta na nivou Unsko-sanskog kantona,

(2) Vijeće je nadležno za:

- daje mišljenja o Strategiji,
- daje mišljenja o Programu razvoja sporta,
- daje mišljenja o godišnjim planovima i finansijskim potrebama sporta,

- rasprava o pitanjima značajnim za sport, te predlaganje i podsticanje donošenje mjera za unapređenje sporta,
- koordinira i surađuje sa Sportskim savezom Bosne i Hercegovine,
- predlaganje prioretnih projekata, elaborata i studija za njihovo finansiranje u sistemu javnih potreba u sportu,
- predlaganje smjernica za izradu propisa o kategorizaciji sportista,
- davanje mišljenja i preporuka za nacрте i prijedloge propisa koji se odnose na sport,
- obavljanje i drugih poslova utvrđenih ovim Zakonom i drugim propisima.

**Član 10.**  
**(Imenovanje i sastav Vijeća)**

(1) Vijeće ima ukupno 11 članova koje imenuje Vlada USK-a na prijedlog ministra obrazovanja, nauke, kulture i sporta USK-a, koji se biraju između istaknutih sportista i sportskih radnika.

(2) Članove Vijeća predlažu: Ministarstvo obrazovanja, nauke, kulture i sporta USK-a 2 člana, sportski savezi općina 8 članova (svaki savez općine po jednog člana) i Sportski savez USK-a 1 člana.

(3) Vijeće se imenuje na period od četiri godine (Olimpijski ciklus).

(4) Vijeće jednom godišnje podnosi izvještaj o svom radu Vladi USK-a.

(5) Administrativne poslove za Vijeće obavlja Sportski savez USK-a.

(6) Vijeće donosi Poslovnik o radu, na koji saglasnost daje ministar obrazovanja, nauke, kulture i sporta USK-a.

(7) Vijeće ima predsjednika i dopredsjednika.

**DIO DRUGI – ORGANIZIRANJE SPORTA**

**Član 11.**  
**(Nosioци sportskih aktivnosti)**

Nosioци sportske aktivnosti u Kantonu su pravna i fizička lica registrirana za obavljanje sportskih aktivnosti u skladu sa Zakonom o sportu u BiH, Zakonom o udruženjima i fondacijama BiH, Zakonom o udruženjima i fondacijama F. BiH, Zakonom o sportu FBiH i ovim Zakonom.

**Član 12.**  
**(Upis u registar)**

(1) Pravna i fizička lica u oblasti sporta upisuju se u posebne registre u skladu sa Zakonom o sportu u BiH, Zakonom o sportu FBiH, Zakonom o sportu USK-a.

(2) Pravilnik o vođenju registra pravnih i fizičkih lica u oblasti sporta na nivou BiH donosi ministar civilnih poslova BiH, a na nivou Kantona Vlada USK-a u skladu sa Zakonom.

**POGLAVLJE I.**  
**PRAVNA LICA (SPORTSKA UDRUŽENJA)**

**Član 13.**  
**(Pravna lica)**

Pravna lica u oblasti sporta u smislu ovog Zakona su:

- sportski klub (amaterski i profesionalni),
- sportski savez općine,
- sportski savez Unsko-sanskog kantona,
- sportski savez u određenom sportu (strukovni),
- sportski klub invalidnih lica,
- sportski savez invalidnih lica općine,
- Sportski savez invalidnih lica USK-a,
- ustanove i institucije u oblasti sporta,
- sportsko društvo.

**Član 14.**  
**(Sportski klub)**

(1) Osnovni oblik organizovanja u sportu je sportski klub.

(2) Klub može obavljati sportsku aktivnost amaterski i profesionalno.

**Član 15.**  
**(Amaterski sportski klub)**

Amaterski sportski klub je dobrovoljna nevladina neprofitna organizacija koja se organizira kao udruženje građana za obavljanje sportske djelatnosti, u skladu sa Zakonom o udruženjima i fondacijama FBiH i Zakonom o sportu USK-a.

**Član 16.**  
**(Način osnivanja amaterskog sportskog kluba)**

(1) Amaterski sportski klub osniva se osnivačkim aktom.

(2) Amaterski sportski klub mogu osnovati domaća pravna i fizička lica.

(3) Amaterski sportski klub iz stava (1) ovog člana mogu osnovati najmanje 3 fizička lica ili pravno lice.

#### **Član 17. (Profesionalni sportski klub)**

(1) Profesionalni sportski klub osniva se kao privredno društvo, odnosno preduzeće, s ciljem obavljanja sportske djelatnosti.

(2) Profesionalni sportski klub osniva se i registrira u skladu sa Zakonom o privrednim društvima FBiH i Zakonom o registraciji poslovnih subjekata u FBiH, Zakonom o sportu u BiH i ovim Zakonom.

#### **Član 18. (Sportski savez općine)**

(1) Sportske organizacije (klubovi) na nivou općine udružuju se u sportski savez općine, putem kojeg općina ostvaruje svoj javni interes u ovoj oblasti.

(2) Općinski sportski savezi udružuju se u Sportski savez Unsko-sanskog kantona.

#### **Član 19. (Sportski savez Unsko-sanskog kantona)**

(1) Općinski sportski savezi, Sportski savez invalidnih lica USK-a se udružuju u Sportski savez Kantona.

(2) Sportski savez u određenom sportu (strukovni) Kantona udružuju se u Sportski savez Kantona.

(3) Međusobne odnose i prava članice Sportskog saveza Kantona reguliraju se osnivačkim aktom i drugim aktima Sportskog saveza.

(4) Sportski savez Kantona je nosilac prava na zajednički naziv i zajedničke simbole, ako osnivačkim i drugim aktima nije drugačije određeno.

(5) Na osnivanje, upis u registar, obavljanje sportskih aktivnosti i sportskih djelatnosti, rješavanje sporova, odgovornost, kao i na druga pitanja u vezi s radom sportskih saveza, dosljedno se primjenjuju odredbe ovog Zakona koje se odnose na sportska udruženja, ako ovim Zakonom nije drugačije određeno.

#### **Član 20. (Nadležnost Sportskog saveza Unsko-sanskog kantona)**

Sportski savez Kantona nadležan je za:

- organiziranje i rukovođenje poslovima izrade Strategije,
- utvrđivanje programa razvoja sporta USK-a u skladu sa Strategijom,
- pripremanje prijedloga pravilnika o kategorizaciji sportista i sportskih objekata,
- organiziranje i provođenje sistema takmičenja – lige mladih na nivou USK-a,
- saradnja s nadležnim sportskim i drugim organima FBiH i Bosne i Hercegovine,
- zastupanje i predstavljanje sporta u BiH,
- pripremanje i nastupanje kantonalnih reprezentacija na zvaničnim takmičenjima,
- obavljanje adminstartivnih, stručnih i drugih poslova u oblasti sporta u skladu s ovim Zakonom.

#### **Član 21. (Sportski savez u određenom sportu - strukovni)**

(1) Sportski klubovi u pojedinim sportovima udružuju se u strukovne saveze Kantona radi ostvarenja zajedničkih interesa, ciljeva i organizovanja takmičenja na nivou Kantona.

(2) Strukovni savezi Kantona se udružuju u strukovne saveze organizovane na nivou FBiH, Bosne i Hercegovine i u Sportski savez Kantona.

(3) Za jedan sport može se na nivou Kantona osnovati jedan strukovni savez.

(4) Strukovni savezi Kantona se osnivaju u skladu sa ovim Zakonom i Zakonom o udruženjima i fondacijama FBiH.

#### **Član 22. (Sportski klub i sportski savez invalidnih lica)**

(1) Radi organizovanja sportskorekreativne aktivnosti i sportskih takmičenja invalidnih lica, osnivaju se sportski klubovi invalidnih lica.

(2) Sportski klubovi iz stava (1) ovog člana udružuju se u sportske saveze na nivou općine, Kantona, FBiH i Bosne i Hercegovine.

(3) Sportski savezi invalidnih lica usklađuju i koordiniraju aktivnosti klubova, organiziraju takmičenja i uređuju sva ostala pitanja koja se odnose na sport invalidnih lica.

(4) Sportski savezi invalidnih lica registruju se kao udruženje građana.

**Član 23.**  
**(Udruženja sportske rekreacije)**

(1) Radi zadovoljavanja potreba građana za održavanjem i poboljšanjem zdravlja i psihofizičkih sposobnosti i organiziranja bavljenja vježbanjem i sportskim aktivnostima u slobodno vrijeme, osnivaju se udruženja sportske rekreacije.

(2) Udruženja – klubovi sportske rekreacije udružuju se u sportske saveze općine i u Savez sportske rekreacije BiH.

**Član 24.**  
**(Ustanove i preduzeća u oblasti sporta)**

(1) Javnu ustanovu za obavljanje djelatnosti u oblasti sporta može osnovati Skupština Kantona, općinsko vijeće, samostalno ili s drugom pravnom odnosno fizičkom osobom.

(2) Ustanovu za obavljanje djelatnosti za oblast sporta može osnovati domaća odnosno strana pravna i fizička osoba (osnivač) u svim oblicima vlasništva za obavljanje:

- stručno razvojnih poslova, praćenja tjelesnih sposobnosti djece i omladine, studenata, invalida i drugih kategorija građana,
- testiranje i pripremu vrhunskih sportista,
- edukaciju i trening sportskih talenata.

(3) Za sva ostala pitanja koja se odnose na način osnivanja, djelokrug rada, finansiranja, izbor organa upravljanja, statusne promjene, nadzor nad zakonitošću rada, primjenjuju se odredbe Zakona o ustanovama FBiH.

(4) Javna preduzeća za proizvodnju, promet i usluge u oblasti sporta mogu se osnivati u skladu sa Zakonom o javnim preduzećima FBiH.

**Član 25.**  
**(Sportsko društvo)**

(1) Sportski klubovi mogu se udruživati u sportska društva radi uređivanja i ostvarivanja zajedničkih ciljeva i interesa, kao i zajedničkog nastupanja u oblasti sporta.

(2) Međusobne odnose i prava sportski klubovi udruženi u sportsko društvo reguliraju osnivačkim aktom i drugim aktima sportskog društva.

(3) Sportsko društvo je nosilac prava na zajednički naziv i zajedničke simbole, ako osnivačkim i drugim aktima nije drugačije određeno.

(4) Na osnivanje, upis u registar, obavljanje sportskih aktivnosti i sportskih djelatnosti, rješavanje sporova, odgovornost, kao i na druga pitanja u vezi s radom sportskih društava, dosljedno se primjenjuju odredbe ovog Zakona koje se odnose na sportska udruženja, ako ovim Zakonom nije drugačije određeno.

**POGLAVLJE II.**  
**PRAVA I OBAVEZE PRAVNIH LICA**

**Član 26.**  
**(Sloboda i samostalnost)**

Pravna lica – sportska udruženja osnivaju se i organiziraju slobodno i samostalno su u ostvarivanju svojih prava i obaveza, u skladu sa ovim Zakonom, zakonima o sportu FBiH i Bosne i Hercegovine i Zakonom o udruženjima i fondacijama FBiH.

**Član 27.**  
**(Sticanje svojstva pravnog lica)**

Sportska udruženja stiču svojstvo pravnog lica upisom u registar koji vodi nadležni organ u skladu sa Zakonom o udruženjima i fondacijama FBiH u sjedištu organizacija.

**Član 28.**  
**(Skupština udruženja)**

Pravna lica, u smislu ovog Zakona, registrirana kao udruženja u oblasti sporta, moraju, osim osnivačkog akta i statuta, imati skupštinu kao najviši organ udruženja.

**Član 29.**  
**(Obavljanje privrednih djelatnosti)**

Pravna lica mogu obavljati privredne djelatnosti samo ako je osnovna svrha takvih djelatnosti ostvarivanje ciljeva utvrđenih statutom.

**Član 30.**  
**(Radni odnos u sportskim organizacijama)**

(1) Pravna lica mogu zasnivati radni odnos sa sportistima, stručnim radnicima, stručnim i administrativnim osobljem.

(2) Radni odnos u sportskim organizacijama, kao pravnim licima registriranim na nivou Unsko-sanskog kantona, uređuje se ugovorom o radu u skladu sa Zakonom o radu FBiH i općim kolektivnim ugovorom.

### **POGLAVLJE III. FIZIČKA LICA U OBLASTI SPORTA**

#### **Član 31. (Fizička lica)**

Fizička lica u oblasti sporta su: sportisti, stručni radnici i sportski radnici.

#### **Član 32 (Sportist)**

(1) Sportist u smislu ovog Zakona je lice koje se priprema i učestvuje u organiziranim sportskim takmičenjima.

(2) Sportist ima sva građanska prava utvrđena Ustavom i zakonima Bosne i Hercegovine, Ustavom i zakonima Unsko-sanskog kantona, kao i odredbama ovog Zakona.

#### **Član 33. (Vrste sportista)**

(1) Sportist se može baviti sportskim aktivnostima samostalno i u okviru sportskih udruženja.

(2) Sportist se može baviti sportskim aktivnostima amaterski ili profesionalno.

### **DIO TREĆI – PRAVA I OBAVEZA SPORTISTA, STRUČNI RAD, ZDRAVSTVENA ZAŠTITA I ANTIDOPING**

#### **POGLAVLJE I. PRAVA I OBAVEZA SPORTISTA**

#### **Član 34. (Prava sportista)**

(1) Sportist je obavezan da se pridržava općih i posebnih pravila propisanih ovim Zakonom, Zakonom o sportu u BiH (Sl. gl., br. 27/08), pravilima svojih organizacija i pravilima međunarodnih sportskih asocijacija.

(2) Osim prava iz člana 32. ovog Zakona, sportist ima pravo da:

- bude zaštićen od svake vrste duhovnog i fizičkog nasilja, ugrožavanja slobode ljudskog i sportskog integriteta, zdravlja i sportskog dostojanstva,
- koristi sportske objekte i opremu, usluge stručnog rada i zdravstvene zaštite u skladu sa propisima kojima je to regulirano,
- na osnovu slobodno izražene volje, učestvuje u reprezentativnim selekcijama.

#### **Član 35. (Obaveze sportista)**

Sportist je obavezan da:

- poštuje norme i pravila sportskog ponašanja,
- redovno trenira i učestvuje na takmičenjima,
- poštuje sportska pravila, službena lica i gledaoce,
- svojim ponašanjem čuva ugled sportskog kolektiva i sredine koju predstavlja,
- saraduje sa zdravstvenim službama i posebnim organima koji provjeravaju upotrebu nedozvoljenih stimulativnih sredstava.

#### **Član 36. (Status vrhunskog sportista)**

(1) Sportist stiče status vrhunskog sportista Bosne i Hercegovine ako, prema međunarodnim standardima, ostvaruje vrhunske sportske rezultate.

(2) Bliži kriteriji za sticanje statusa vrhunskog sportista utvrđuju se pravilnikom o kategorizaciji sportista koji donosi Vijeće ministara BiH, na prijedlog ministra civilnih poslova BiH.

#### **Član 37. (Sportist strani državljanin)**

(1) U sportskim takmičenjima mogu učestvovati i strani državljanin.

(2) Prava i obaveze sportista stranih državljanina reguliraju se ugovorom sa sportskim udruženjima u skladu s međunarodnim sportskim pravilima.

(3) Sportista i sportski stručnjaci strani državljanin moraju imati dozvolu za rad nadležnog državnog organa i registrirati se u federalnom ministarstvu nadležnom za sport.

#### **Član 38. (Sportski sindikat)**

Sportisti i sportski stručnjaci mogu osnovati sportski sindikat u skladu sa zakonom i pravilima Saveza sindikata BiH i pravilima Saveza sindikata FBiH.

### **POGLAVLJE II. STRUČNI RAD U OBLASTI SPORTA**

#### **Član 39. (Osposobljenost za stručni rad)**

(1) Stručne poslove u oblasti sporta mogu obavljati isključivo stručna lica osposobljena za rad u sportu.

(2) Stručna lica moraju ispunjavati slijedeće uvjete:

- imati visoku ili višu stručnu školsku spremu iz oblasti sporta i fizičkog vaspitanja, ili
- imati visoku, višu ili srednju školsku spremu iz drugih oblasti i licencu za rad u oblast sporta, ili
- imati status vrhunskog sportista s diplomom za rad u oblasti sporta.

(3) Školovanje kadrova za rad u sportu i fizičkom vaspitanju, te izdavanje diploma za rad u sportu obavljaju visokoškolske ustanove.

(4) Stručno usavršavanje i osposobljavanje u sportu obavljaju visokoškolske ustanove i ustanove registrirane za poslove stručnog usavršavanja i osposobljavanja.

#### **Član 40. (Vrste stručnih poslova)**

Stručni poslovi u sportu u smislu ovog Zakona su:

- planiranje i realizacija sportskih aktivnosti djece i omladine,
- planiranje i realizacija sportske obuke,
- planiranje i treniranje sportista,
- obučavanje građana u sportskim znanjima i vještinama,
- planiranje i realizacija sportske rekreacije građana,
- dijagnosticiranje i provjera psihofizičkih i motoričkih sposobnosti učesnika,
- planiranje i izvođenje korektivne gimnastike,
- provođenje pravila u sportu,
- informatika u sportu,
- menadžment i marketing u sportu,
- naučnoistraživačke djelatnosti.

#### **Član 41. (Stručna lica s licencom)**

Sudije, delegati i sportski radnici su stručna lica koja imaju licence strukovnog saveza za obavljanje određenih aktivnosti u sportu.

### **POGLAVLJE III. ZDRAVSTVENA ZAŠTITA U SPORTU I ANTIDOPING KONTROLA**

#### **Član 42. (Obavezna zdravstvena zaštita)**

(1) Zdravstvena zaštita je obavezna za sve učesnike u sportu.

(2) U sportskim takmičenjima može učestvovati samo lice za koje je utvrđena opća i posebna zdravstvena sposobnost, koju utvrđuje ovlašteni ljekar specijalist sportske medicine.

#### **Član 43. (Uvjeti za obavljanje zdravstvenih pregleda)**

Uvjete za obavljanje zdravstvenih pregleda sportista, te način vođenja evidencije i medicinske dokumentacije sportista, propisuje federalni ministar nadležan za zdravstvo, uz mišljenje kantonalnog ministra zdravstva i mišljenje federalnog ministra nadležnog za sport, u skladu s propisima međunarodnih sportskih federacija.

#### **Član 44. (Zabrana dopinga)**

Sportistima i svim učesnicima u sportu zabranjeno je uzimanje nedozvoljenih stimulativnih sredstava, davanje ili podsticanje njihovog korištenja u skladu sa pravilima Svjetske antidoping agencije (WADA).

### **DIO ČETVRTI – SPORTSKA TAKMIČENJA I PRIREDBE, SPORTSKI OBJEKTI I SUZBIJANJE NEDOLIČNOG PONAŠANJA NA SPORTSKIM PRIREDBAMA, INFORMATIKA U SPORTU**

#### **Član 45. (Cilj sportskih takmičenja)**

Sportska takmičenja i priredbe (manifestacije, susreti, smotre, igre) organiziraju se s ciljem afirmacije i popularizacije sporta i ostavriavanja vrhunskih sportskih rezultata.

#### **Član 46. (Sistem, uvjeti i organizacija takmičenja)**

Sistem, uvjete i organizaciju sportskih takmičenja na nivou Kantona utvrđuju strukovni (granski) savezi kantona u skladu sa odredbama ovog Zakona i pravilima međunarodnih sportskih asocijacija, i sportskih asocijacija BiH.

#### **Član 47. (Usklađenost s Evropskom konvencijom)**

Organizacija sportskih takmičenja i priredbi mora biti usklađena s preporukama Evropske konvencije o suzbijanju nasilja i nedoličnog ponašanja gledalaca na sportskim priredbama, posebno na nogometnim utakmicama, i odgovarajućim zakonima i drugim propisima u Bosni i Hercegovini.

**Član 48.**  
**(Saglasnost za međunarodna takmičenja)**

Međunarodna sportska takmičenja i sportske priredbe mogu se organizirati u Unsko-sanskom kantonu ako organizator dobije saglasnost nadležnog federalnog organa i Ministarstva civilnih poslova BiH, te osigura uvjete predviđene pravilima međunarodnih sportskih organizacija.

**Član 49.**  
**(Sportski objekt)**

(1) Sportski objekt je, u smislu ovog Zakona, višenamjenski otvoren ili zatvoren prostor namijenjen sportskim aktivnostima.

(2) Sportski objekt, pored prostora namijenjenog sportskim aktivnostima, mora imati neophodne prateće sadržaje i opremu te biti pristupačan invalidnim licima.

(3) Sportski objekti moraju ispunjavati propise međunarodnih sportskih asocijacija, kao i standarde propisane odgovarajućim zakonima i drugim propisima na nivou BiH.

(4) Na prijedlog Sportskog saveza Kantona, Vlada Kantona će utvrditi standarde za sportske objekte od značaja za Kanton.

**Član 50.**  
**(Kategorizacija sportskih objekata)**

Kategorizacija sportskih objekata se utvrđuje u skladu s posebnim pravilnikom o kategorizaciji sportskih objekata, koji donosi ministar civilnih poslova BiH na prijedlog federalnog ministarstva nadležnog za sport.

**Član 51.**  
**(Suzbijanje nasilja i nedoličnog ponašanja gledalaca na sportskim priredbama)**

(1) Suzbijanje nasilja i nedoličnog ponašanja gledalaca na sportskim priredbama se provodi u skladu sa propisima donesenim na nivou države BiH i entiteta.

(2) Posebnim zakonom bit će utvrđeni način i mjere za sprečavanje i suzbijanje nasilja i nedoličnog ponašanja gledalaca na sportskim priredbama.

**Član 52.**  
**(Informatika u sportu)**

(1) S ciljem sistematskog praćenja i evidentiranja stanja u sportu, stručne, naučne i izdavačke djelatnosti, organizira se jedinstven informacioni sistem u sportu na nivou Kantona koji je usaglašen sa informacionim sistemom u FBiH.

(2) Sva pravna i fizička lica registrirana za obavljanje sportskih aktivnosti obavezna su voditi evidenciju u skladu s jedinstvenim informacionim sistemom u sportu.

(3) Sadržaj i oblik informacionog sistema Kantona donosi Vlada Kantona na prijedlog Sportskog saveza USK-a.

**DIO PETI – FINANSIRANJE SPORTA**

**Član 53.**  
**(Sredstva za finansiranje)**

Sportske aktivnosti finansiraju se:

- od članarina,
- iz budžetskih sredstva USK-a i budžetskih sredstava općina USK-a,
- iz donacija i sponzorstva pravnih i fizičkih lica,
- iz prihoda od kamata i zakupnina,
- od igara na sreću,
- iz prihoda stečenih aktivnostima utvrđenim statutom sportskog udruženja,
- iz drugih prihoda.

**Član 54.**  
**(Finansiranje javnog interesa Unsko-sanskog kantona)**

(1) Sredstva za zadovoljavanje potreba i interesa društva iz člana 5. ovog Zakona osiguravaju se iz budžeta Kantona u visini najmanje 0,7 %, od ostvarenih poreznih prihoda budžeta Kantona u tekućoj godini.

(2) Općine mogu, u skladu sa svojom odlukom, izdvajati sredstva od ostvarenih poreznih prihoda budžeta općine za finansiranje sportskih programa putem sportskog saveza na svom području.

(3) Program rada i plan utroška sredstava sportski savez USK-a će dostaviti Vladi Kantona najkasnije do 20.1. u budžetskoj godini.

**Član 55.**  
**(Raspodjela sredstava)**

(1) Raspodjela sredstva iz budžeta Kantona za potrebe i interese društva utvrđene članom 5. ovog Zakona vrši Sportski savez kantona na osnovu pravilnika o raspodijeli sredstava, koji donosi Predsjedništvo Saveza.

(2) Raspodjelu sredstava iz budžeta općina za potrebe i interese društva utvrđene članom 5. ovog Zakona vrše sportski savezi općina na osnovu pravilnika o raspodijeli sredstava, koji donosi upravni odbor – predsjedništvo sportskog saveza nadležne općine.

**Član 56.**  
**(Kantonalna nagrada za sport)**

(1) Za izuzetan doprinos u razvoju sporta i afirmacije Unsko-sanskog kantona utvrdit će se kantonalna nagrada za sport kao najviše kantonalno sportsko priznanje.

(2) Nagrada se dodjeljuje pravnim i fizičkim licima koja obavljaju sportsku djelatnost.

(3) Nagrada se može dodijeliti i drugim pravnim i fizičkim licima zaslužnim za razvoj sporta u Kantonu.

(4) Kriterije za njenu dodjelu ustanovljava Sportski savez USK-a, kao i organizaciju dodjele.

**DIO ŠESTI – NADZOR NAD PROVOĐENJEM ZAKONA**

**Član 57.**

Nadzor nad provođenjem ovog Zakona i propisa donesenih na osnovu ovog Zakona na nivou Unsko-sanskog kantona vrši Ministarstvo obrazovanja, nauke, kulture i sporta USK-a i Predsjedništvo Sportskog saveza USK-a.

**DIO SEDMI – KAZNE NE ODREDBE**

**Član 58.**

(1) Novčanom kaznom u iznosu od 5.000 KM do 10.000 KM kaznit će se za prekršaj pravno lice ako:

- obavlja sportsku djelatnost a nije registrirano i upisano u registar u skladu s odredbama ovog Zakona i Zakona o sportu u BiH,
- obavljanje stručnih poslova u sportu prepusti licima koji za to ne ispunjavaju zakonske uslove,
- omogućiti da na sportskom takmičenju učestvuje lice za koje nije utvrđena opća ili posebna zdravstvena sposobnost,
- organizira sportska takmičenja i sportske priredbe u BiH a da za to ne ispunjava uslove u smislu ovog Zakona i Zakona o sportu u BiH,
- organizira međunarodna sportska takmičenja a da nema saglasnost nadležnog organa,

- ne zasnjuje radni odnos sa sportistom, stručnim radnikom, stručnim i administrativnim zaposlenikom u skladu sa Zakonom,

- organu uprave ne dostavi u propisanom roku tražene podatke.

(2) Novčanom kaznom u iznosu od 1.000 KM do 5.000 KM kaznit će se fizičko lice ako:

- se ne pridržava odredbi člana 35. ovog Zakona,
- se bavi stručnim radom u oblasti sporta a ne ispunjava Zakonom utvrđene uslove,
- nema dozvolu za rad iz člana 37. ovog Zakona.

(3) U slučaju ponovnog prekršaja, prekršilac će se kazniti maksimalnom novčanom kaznom iz st. (1) i (2) ovog člana.

**DIO OSMI – PRIJELAZNE I ZAVRŠNE ODREDBE**

**Član 59.**

**(Obaveza donošenja podzakonskih akata)**

Podzakonski akti za provođenje ovog Zakona bit će doneseni u roku od godinu dana od dana stupanja na snagu ovog Zakona.

**Član 60.**

Uvjete za obavljanje stručnih poslova iz oblasti sporta za Unsko-sanski kanton iz člana 39. ovog Zakona propisat će Ministarstvo obrazovanja, nauke, kulture i sporta USK-a u skladu sa Zakonom o sportu BiH.

**Član 61.**

(1) Sportski savez USK-a i sportski savezi općina su dužni uskladiti svoje akte sa ovim Zakonom u roku od 3 mjeseca, a sportski klubovi u roku od 6 mjeseci od stupanja na snagu ovog Zakona.

(2) Danom stupanja na snagu ovog Zakona prestaje da važi Zakon o sportu USK-a (Sl. gl. USK-a, broj 2/2000), Zakon o izmjenama i dopunama Zakona o sportu USK-a (Sl. gl. USK-a, broj 01-1-299/04) i Zakona o izmjenama Zakona o sportu USK-a (broj 01-02-1-183/08).

**Član 62.**

Ovaj Zakon stupa na snagu osmog dana od dana objavljivanja u "Službenom glasniku Unsko-sanskog kantona".

Broj 01-02-1-564/10      Predsjedavajući Skupštine  
7. septembra 2010. godine      Unsko-sanskog kantona  
B i h a ć      Mr. Husein Rošić